

RESCATE

Frank A. Williams

Oh mundo,
Bo ambiente fo'i principio a luci
Bo a pronkia como hogar di tur cos bibo.
B'a confia den bon intencion,
Den ekilibrio honesto di tur habitante,
 Ma den tempo hende bibo,
 Pretendiendo di ta civilisa y educa,
 A pone bon intencion un banda
 A core tras di egoismo golos.
 Pa sacia su hamber pa poder,
 Na su antoho a oprimi su ruman.
Cu engaño, cu abuso nos a sirbi bo.
Den pura a descuida bo fashi.
Bo aire nos a contamina, pa economia progresá.
 Historia ta relata den registro di crueldad
 E logronan di humanidad.
 Nos progreso a causa bo atraso
 Y bo atraso a bira nos colapso.
Nos futuro mester salvacion
Adulto y hoben mester gara e timon di nos destino.
Hunto mester rescata e futuro
Ban lucha pa un ambiente sano, duradero
Pa descendencia por disfruta honradamente!

Aruba, december 30, 2021

Inspira pa "Quest to Rescue Our Future" di Glenn Sankatsing

Home: [Rescue Our Future Foundation](#)